

Joseph Ourdan

Lou Pastre de Gigna

Un asard urous que tendrai escoundu faguè que pouguèri dispausa d'uno foutoucòpi deis obro manuscrito de Joseph Ourdan que visquè e escriguè dins la segoundo mita dau siècle XIX°.

Nascu à Couloubrier à coustat de Touloun, aquest ome serié estat juge de pas en Ate -e aiours, desegur e a agu coulaboura regularamen au *Mercure Aptésien* -ebdoumadàri quàsi centenari (1839-1925)-, au semanié toulounen *La Toouteno fasido* e à d'autrei publicacioun de l'epoco. Sabèn qu'à Marsiho an agu eisisti de journalet ebdoumadàri coumo *Lou tron de l'èr* (1877-1884) de Pèire Mazière e Antide Boyer e sobre-tout *la Sartan* (1891-1905) de Pascau Cros qu'èron d'entrepresa de prèssò proufessiounalo mai que mai satirico e de divertimen pouplàri, mai que poudèn perèu coundsidera coumo uno prèssò d'óupinioun.

A Touloun siguè perèu un journalisto Dominique que creè la *Toouteno*, (L'encornet), (1885-18861890), un ourgane pouligu qu'avié pèr unico toco de lucha contro lou conse de la ciéutat l'estrangié *Dutasta* -que venié de Bourdèus enterin qu'ei Toulounen li aurié miès agrada que siguèsse un indigène amé un noum coma Escartefigue que fuguè realament un dei sucessour d'aquéu bordalés.

Basto, Jousé Ourdan escriguè forçò article dins aquèu semanié dins soun dialèite natau lou prouvençau maritime. Dins lou *Mercure*, en revenge, sei pouësio soun escricho dins lou parla de transicioun qu'avié facilamen après coumo un pau pus tard, sara lou cas d'un proufessour dau coulègi d'At, catalan dau Roussilhon, qu'escriguè un parèu de coumèdi, coumo Henry Danoy.

Enfin, J. Ourdan se faguè marca au Felibrige e coumpausè quàuquei pèço de vers en dialèite de Maiano, que sarié lou vertadié provençau, emai que lou criticavo... un pau. Dau poun de visto literari, dins aquesto obro troubaren lou meiour à coustat dau pus marrit, ço que vèire n quouru l'estudiaren dins nòsti cors de prouvençau ounte faren un viage dins lou passat de la vido atesieno de la segoundo mita dau siècle XIX°.

Pèire Pessemesse



À moussu lou diretour dóu Mercure

Lou pavé d'At

Moussu,

Se lou mounde dei proumenado
Avié, coume iéu de soulié
De pastre, à doublo clavelado,
Degun, segur, se plagnirié.

Cadun ié trovarié soun coumte
A marcha, senso reguigna,
Sus lou pavé que lei raconte
Dison qu'avans se fau signa.

Mai i'a longtèms que la pastriho
S'es aluenchido dóu païs
E, vuei, la carriero creniho
Souto lei boto de vernis.

I'a plus que de fini semelo
S'aventurant dins lei trau
E de galanti damiselo
Que lei pèd ié fan vite mau.

E s'en van pèr mounto-davallo
Nis d'entorso, vau, garagai,
Clouaco ounte lou pèd s'encalo,
Counco pèr abèura leis ai;

S'en van, cresènt qu'uno ribiero
L'i a raca, 'n crebant sei caiau
O qu'un breguetian, pèr carriero,
L'i a samena sei queisselau.

O! vous, Moussu de la gazeto
Que couneissès lei capoulié,
Fasès-ié'no brigo riseto
Pèr que nous crompon de soulié!

Vo ben, se noun se volon crèire,
Que marcham pas sus lou satin,
Que vagon -istòri de vèire
Sié proumenas 'n escarpin.

Lou pastre de Gigna
21 d'abriéu 1893